

**Lánasjóður sveitarfélaga - Reikningsskil
- 6 mánaða uppgjör 2010**

Afkoma lánasjóðsins á fyrri hluta ársins 2010 var umfram væntingar og er tekjuafgangur 941 m.kr. á móti 586 m.kr. fyrir sama tímabil fyrra árs. Munur milli ára felst í gengishagnaði vegna erlendra lána sem voru óvarin eftir fall bankanna 2008.

Útlán sem fjármögnuð eru með eigin fé eru verðtryggð og þar sem hækkun vísitölu á fyrri hluta árs er lægri en á sama tímabili í fyrra skýrir það lægri vaxtamun nú samanborið við 2009. Vextir af þeim lánum hafa verið óbreyttir frá síðasta hausti 4,25%. Einnig var ávöxtun á lausu fé lægri en á sama tímabili á síðasta ári, en er þó góð miðað við efnahagsástand.

Rekstur tímabils m.kr.	1H2010	1H2009	1H2008	1H2007	2009	2008	2007
Hreinar vaxtatekjur	715	686	1.698	597	1.826	2.721	1.385
Aðrar rekstrartekjur	298	-31	-495	115	-38	-1.390	-97
Almennur rekstrarkostnaður	72	69	41	30	-132	105	70
Hagnaður tímabilsins	941	586	1.163	682	1.656	1.225	1.219

	30.jún 2010	31.des 2009	30.jún 2009	31.des 2008	30.jún 2008	31.des 2007	30.jún 2007
Efnahagur í lok tímabils m.kr.							
Útlán	63.037	65.056	63.825	60.358	44.317	39.267	35.317
Aðrar eignir	7.779	5.468	4.540	3.598	4.800	2.466	3.622
Langtímaskuldir	54.947	56.778	54.947	51.025	35.430	29.255	26.422
Aðrar skuldir	1.998	816	1.559	1.658	2.476	2.430	3.049
Eigið fé	13.871	12.930	11.859	11.273	11.211	10.048	9.468
CAD-hlutfall Basel II	82%	67%	62%	57%	87% -	-	-

Útborguð lán á fyrri hluta ársins 2010 voru 2,5 ma.kr., samanborið við 6,7 ma.kr. á sama tíma árið 2009. Vanskil við útgáfu þessa árshlutareiknings voru 15 m.kr.

Á tímabilinu gaf sjóðurinn út skuldabréf að fjárhæð 3,3 ma.kr. á innlendum skuldabréfamarkaði.

Eigið fé í lok tímabilsins var 13,9 ma.kr. á móti 11,9 ma.kr. um mitt ár 2009. Vegið eiginfjárlutfall, svonefnt CAD-hlutfall, var í lok tímabilsins 82% samkvæmt Basel II reglum.

Gert er ráð fyrir að hagnaður lánasjóðsins fyrir árið í heild verði svipaður því sem var síðastliðin tvö ár, en það mun aðallega ráðast af hækkun verðlags það sem eftir lifir árs og þróun skammtímaxta.

Opinn kynningarfundur fyrir markaðsaðila verður haldinn fimmtudaginn 26. ágúst 2010 í starfsstöð sjóðsins, Borgartúni 30, 5 hæð. Óttar Guðjónsson framkvæmdastjóri mun kynna afkomu og efnahag sjóðsins ásamt því að svara spurningum. Kynningin hefst kl. 8:30.

Nánari upplýsingar veitir: Óttar Guðjónsson, framkvæmdastjóri, s. 515 4949.